

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ქ. ბათუმი

2019 წელი

ერთის მხრივ სსიპ „აჭარის მუზეუმი“ (შემდგომში „შემსყიდველი“) წარმოდგენილი -----
სახით და მეორეს მხრივ, ----- (შემდგომში „მიმწოდებელი“) წარმოდგენილი -----
სახით, „სახელმწიფო შესყიდვების შესახებ“ საქართველოს კანონის და პრეტენდენტის -----
სატენდერო წინადადების საფუძველზე, ელექტრონული ტენდერის (NAT00000000) ჩატარების შედეგად
დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, ასევე იმ დოკუმენტებით, რომლებზედაც წინამდებარე ხელშეკრულებაში არის მინიშნებები.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული..
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი და შესყიდვის ობიექტი

- 2.1 ხელშეკრულების საგანია სსიპ აჭარის მუზეუმის ხარითონ ახვლედიანის სახელობის მუზეუმის ფილიალის ილია ჭავჭავაძის მუზეუმის შენობის დასრულების სამუშაოების - საჩეხის, იატაკის მოწყობისა სანტექნიკური სამუშაოების სახელმწიფო შესყიდვა, საკუთარი სახსრებიდან.
- 2.2. შესასრულებელი სამუშაოების დასახელება, მოცულობა და ტექნიკური პარამეტრები განისაზღვრება დანართი N1 (ხარჯთაღრიცხვა) და დანართი 2 (პროექტი) შესაბამისად, რომლებიც თან ერთვის ხელშეკრულებას და მისი განუყოფელი ნაწილია.

3. ხელშეკრულების ღირებულება

- 3.1. ხელშეკრულების ღირებულება შეადგენს ----- (-----) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული სამუშაოების შესრულებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს.
- 3.3. შესასრულებელი სამუშაოების ხარჯთაღრიცხვა მოცემულია დანართის შესაბამისად.

4. ხელშეკრულების შესრულების კონტროლი

- 4.1 ხელშეკრულების შესრულების კონტროლს განახორციელებს სსიპ „აჭარის მუზეუმი“-ს დირექტორის მიერ განსაზღვრული ინსპექტირების ჯგუფის განმახორციელებელი პირი/პირები.

4.2 შემსყიდველი ორგანიზაცია უფლებამოსილია აწარმოოს შესრულებული სამუშაოების ხარისხის და მოცულობის ინსპექტირება ხელშეკრულების მოქმედების ნებისმიერ ეტაპზე.

5. შესყიდვის ობიექტის მიწოდების ვადა და ადგილი

5.1. შესყიდვის ობიექტის მიწოდება განხორციელდება ხელშეკრულების გაფორმებიდან **40 (ორმოცი)** კალენდარული დღის ვადაში. თუკი მოწოდების ვადის ბოლო დღე ემთხვევა არასამუშაო დღეს, მაშინ მოწოდება განხორციელდება მომდევნო სამუშაო დღეს.

5.2. შესყიდვის ობიექტის მიწოდება უნდა განხორციელდეს შემდეგ მისამართზე: ქ. ბათუმი, გრიბოედოვის ქ. N5 (ილია ჭავჭავაძის მუზეუმი).

6. შესრულებულ სამუშაოთა მიღება-ჩაბარების წესი

6.1. მიმწოდებლის მიერ წარმოებული სამუშაოების ტექნიკურ ზედამხედველობას ახორციელებს შემსყიდველის მიერ განსაზღვრული ინსპექტირების ჯგუფი.

6.2 ხელშეკრულების საგნის მიღებისათვის მიმწოდებელმა უნდა უზრუნველყოს ინსპექტირების ჯგუფის განმახორციელებელი პირი/პირების მიერ დამოწმებული შესრულებული სამუშაოების მოცულობების აქტის და სხვა შესაბამისი დოკუმენტაციის (ფორმა N2 ფარული სამუშაოების შესრულების ოქმი/აქტი, შესრულებული სამუშაოების ეტეპობრივი ფოტო-მასალა და სხვა) წარმოდგენა, რომლითაც დასტურდება შესრულებული სამუშაოების მოცულობა, ღირებულება და მათი შესაბამისობა საპროექტო-სახარჯთაღრიცხვო დოკუმენტაციასთან.

6.3. ხელშეკრულებით ნაკისრი ვალდებულებების შესრულება ჩაითვლება მიღებულად მხარეთა შორის საბოლოო მიღება-ჩაბარების აქტის გაფორმებით. შესრულებული სამუშაოების მოცულობა, რაოდენობა და ღირებულება საბოლოო მიღება-ჩაბარების აქტის შედგენამდე მიმწოდებლის მიმართებით და ხარჯით უნდა დადასტურდეს სსიპ „ლევან სამხარაულის სახელობის ექსპერტიზის ეროვნული ბიურო“-ს საექსპერტო დასკვნით ან სხვა აკრედიტებული პირის დასკვნით.

7. ანგარიშსწორების ფორმა, ვადები და პირობები

1. მიმწოდებელთან ანგარიშსწორება განხორციელდება უნაღდო ანგარიშსწორებით, საქართველოს ეროვნული ვალუტით, ერთ ეტაპად, სამუშაოების სრულად დასრულების შემდეგ, შესრულებული სამუშაოების შესაბამისი მიღება-ჩაბარების აქტის გაფორმებისა და საგადასახადო დოკუმენტაციის შემსყიდველისათვის წარმოდგენიდან 10 დღის ვადაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ გადაგადაცილებულ დღეზე შეუსრულებელი სამუშაოების ღირებულების 0,02%-ის ოდენობით.

8.2. ხელშეკრულებით ნაკისრი ვალდებულებების არაჯეროვანი შესრულების შემთხვევაში შემსყიდველი მიმწოდებელს განუსაზღვრავს გონივრულ ვადას, მაგრამ არაუმეტეს 10 სამუშაო დღისა, ხელშეკრულებით ნაკისრი ვალდებულების ჯეროვნად შესრულებისათვის. აღნიშნული ვადის უშედეგოდ გასვლის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულებით გათვალისწინებული მთლიანი ღირებულების 5%-ის ოდენობით.

8.3. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

9. მხარეთა ვალდებულებანი

9.1. „მიმწოდებელი“ ვალდებულია:

9.1.1. შესრულებული სამუშაო და გამოყენებული მასალები უნდა იყოს მაღალი ხარისხის და არ უნდა ავლენდეს ხარვეზებს.

9.1.2. უზრუნველყოს სამუშაოს შესრულება კანონმდებლობით დადგენილი წესების და მოქმედი სტანდარტების შესაბამისად, მკაცრად დაიცვას უსაფრთხოების ნორმები, არ შეაფერხოს შემსყიდველის სამუშაო პროცესი, უზრუნველყოს სამუშაოების ნარჩენებისგან ტერიტორიის გასუფთავება.

9.1.3. მიმწოდებელმა უნდა უზრუნველყოს, სამუშაოს შესრულების პროცესში, მიმწოდებლის მიზეზით (მ/შ გაუფრთხილებლობით), შემსყიდველისთვის ან/და მესამე პირისთვის მიყენებული ზიანის სრული ანაზღაურება საკუთარი ხარჯით.

9.2. „შემსყიდველი“ ვალდებულია უზრუნველყოს მიმწოდებლის მიერ შესრულებული სამუშაოების ღირებულების ანაზღაურება ხელშეკრულების პირობების შესაბამისად.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ცვლილება დაიშვება მხარეთა წერილობითი შეთანხმებით.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

10.4. თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშუალოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით.

10.5. ხელშეკრულება შეიძლება შეწყდეს მხარეთა წერილობითი ურთიერთშეთანხმებით, ასევე წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში.

11. ხელშეკრულების შესრულების შეუძლებლობა

11.1. ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი).

11.2. ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით.

11.4. მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

12. გარანტია

12.1. შესრულებული სამუშაო უნდა იყოს ხარისხიანი, მიმწოდებლის მხრიდან სამშენებლო სამუშაოების, ასევე მონტაჟის დროს გამოყენებულ მასალებზე, ვრცელდება საგარანტიო ვადა 3 (სამი) წელი საბოლოო მიღება-ჩაბარების აქტის გაფორმებიდან (დანართი N3).

12.2. საგარანტიო ვადის განმავლობაში მიმწოდებელი ვალდებულია, შემსყიდველის მიმართვის

შემდეგ, გონივრულ ვადაში საკუთარი ხარჯებით უზრუნველყოს წარმოქმნილი ხარვეზების აღმოფხვრა, გარდა მექანიკურად გამოწვეული დაზიანებისა.

13. დავები და მათი გადაწყვეტის წესი

- 13.1. ხელშეკრულება დადებულია და განიმარტება საქართველოს კანონმდებლობის შესაბამისად.
13.2. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.
13.3. შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს საქართველოში მოქმედი კანონმდებლობის შესაბამისად.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს: 2019 წლის ----- ჩათვლით.

15. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, რომელთაგან ერთი ეგზემპლარი გადაეცემა მიმწოდებელს და ერთი შემსყიდველს.

15. მხარეთა რეკვიზიტები

შემსყიდველი:

მიმწოდებელი:

სსიპ აჭარის მუზეუმი
საქართველო, ქალაქი ბათუმი

ს/კ 245769271
სახელმწიფო ხაზინა

მფო TRESGE22

სახაზინო კოდი – 05131105

დირექტორი
სულხან ოქროპირიძე